

Siunnersummut nassuaatit

## **Nalinginnaasumik nassuaatit**

### **1. Aallaqqasiut**

Inatsisartut Suleriaasianni § 37-ip 1. juli 2020-mi atuutilersussamik allanngortinneqarnissaa UKA2019-imi Inatsisartut akuersissutigaat.

Siunnersuutip matuma siunertaraa aalajangersakkap pineqartup aamma Inatsisartut Naalakkersuisullu pillugit Inatsisartut inatsisaanni aalajangersakkap Inatsisartunut ilaasortanit apeqqutinut akissuteqartarnissamut Naalakkersuisut pisussaaffeqarnerannut tunngasup akornanni tamakkiisumik naapertuttoqalernissaata qularnaarneqarnissaa.

Taamaalluni siunnersuut juulip ulluisa aallaqqataanniit inatsiseqartitsinikkut pissutsinik atuuttunik allanngortitsissanngilaq.

### **2. Siunnersummi immikkoortut pingaarcerit**

#### *2.1. Inatsisartunut ilaasortanit apeqqutit*

Inatsisartut inatsisaanni § 12-ip nutaamik oqaasertalerneqarnissaa siunnersuutigineqarpoq. Aalajangersakkami tassani Naalakkersuisunut apeqquteqarnikkut pisortat suliassaataat pillugit Inatsisartunut ilaasortat paasissutissanik pissarsiniarsinnaatitaanerat malittarisassaqartinneqarpoq. Aalajangersagaq taanna malillugu Inatsisartunut ilaasortat apeqqutigisinjaasaat aamma ”§ 37 malillugu apeqqutinik” taaneqartartutut ilisimaneqarput, apeqquteqartarnermut suleriaaseq Inatsisartut Suleriaasianni § 37-imi allaaserineqarsimammat.

Inatsisartut suleriaasianni apeqqutinik taamaattunik saqqummiussisarnermut akissuteqartarnermullu suleriaatsimut malittarisassat sukumiinerusut § 37-imi aalajangersarneqarput. 2019-imi ukiakkut ataatsimiinnerup tungaanut imm. 2-mi aalajangersagaq taanna aamma qaqugukkut Naalakkersuisut apeqqummut akissuteqarsinnaanatik nalunaaruteqarsinnaanerannut naatsumik allaaserinninnermik imaqarsimavoq. Tamanna pillugu manna aalajangersarneqarsimavoq: ”*Naalakkersuisut apeqqut akissuteqarfisinjaanagu nalunaarpata suliarinera taamaalluni naammassineqassaaq.*”

Taamatut oqaasertaliisimaneq ukiuni kingullerni nalorninernik pilersitsisarsimavoq, pisuni arlalinni akissuteqarnissamut pisussaaffiup kiisalu piumasaqaatit § 37 malillugu apeqqutinut atuuttut sumut killeqarneri Naalakkersuisunit apeqquserneqartarsimammata.

Taamaattumik Inatsisartut 2019-imik ukiakkut ataatsimiinnerminni oqaluuserisassani immikkoortumi UKA 2019/26-mi suleriaatsimik, ilaatigut § 37-ip, allanngortinneqarnissaanik akuersissuteqarput. Allannguutikkut ilaatigut § 37 malillugu apeqquteqartarnermut suleriaaseq Naalakkersuisullu akissuteqarnissamut pisussaaffiat erseqqissarneqarput. Akissuteqartussaatitaaneq eqqarsaatigalugu § 37-ip nutaamik oqaasertalerneqarnerata malitsigaa Naalakkersuisut Inatsisartunut ilaasortanit apeqqutinut akissuteqartarnissaminut pisussaaffeqarmata pisut makku eqqarsaatigissanngikkaanni:

- Naalakkersuisut paasissutissanik akissuteqarnissaminut atugassaminnik pissarsisinnaangippata.
- Malunnartumik piffissaq nukissallu paasissutissanik akissuteqarnissamut atugassanik pissarsiniarnermut atortariaqassappata.
- Paasissutissat kissaatigineqartut nipangiussisussaatitaanermut ilaatinneqarpata.

Suleriaatsimi § 37-p allanngortinneqarnissaa pineqartoq aatsaat ulloq 1. juli 2020 atuutilissaaq. Inatsisartut Siulittaasoqarfiata Inatsisartut Naalakkersuisullu pillugit Inatsisartut inatsisaanni § 12-ip allanngortinneqarnissaanik siunnersuuteqarnissamut piffissaqarnissaa taamaaliornikkut siunertarineqarsimavoq, taamaallilluni allanngortitsinerup atuutilerneranii Naalakkersuisunut apeqqutit pillugit suleriaatsimi Inatsisartullu inatsisaanni aalajangersakkat akornanni tamakkiisumik naapertuttoqarnissaa qularnaarniarlugu.

Siunnersuutip matuma malittarisassani marlunni pineqartuni aalajangersakkat kiisalu taakkununnga inatsimmut nassuaatit akornanni taamatut naapertuttoqarnissaata qularnaarneqarnissaa siunertaraa.

Taamaallaat aalajangersakkat Inatsisartunut ilaasortat Naalakkersuisunut apeqquteqarnikkut paasissutissanik pissarsiniarsinnaatitaanerat Naalakkersuisullu akissuteqarnissamut pisussaaffeqarnerat pillugit suleriaatsimi pingarnerusutut aalajangersakkanut naapertuuttut inatsisissatut siunnersuummi ilanngunneqarput. Taamaallilluni apeqquteqartarnissamut akissuteqartarnissamullu suleriaatsit sukumiinerusut pillugit aalajangersakkat inatsisissatut siunnersuummut ilanngunneqanngillat, taamatut malittarisassaqartitsineq suli Inatsisartut Suleriaasianniittariaqarmat.

Apeqquteqarsinnaaneq eqqarsaatigalugu oqaasertaliisimanerup allanngortinneqarneranut tunuliaqtaasut sukumiinerusumik paasisaqarfigerusukkaanni UKA2019/26-mut nassuaatit innersuussutigineqarsinnaapput, minnerunngitsumik immikkoortoq ”2.6. § 37 naapertorlugu apeqqutinik saqqummiussisarnermut suleriaatsimik erseqqissaaneq”. Tassani ilaatigut takuneqarsinnaavoq Inatsisartunut ilaasortat § 37 malillugu apeqquteqarsinnaanerat Inatsisartut Naalakkersuisunik nakkutiginninnerannut ilaasoq, akissuteqaataasartullu Inatsisartut inatsisiliortussaatitaasutut aningaasaliissutinillu akuersissuteqartussaatitaasutut ingerlatsineranni ilaasortat ataasiakkaat peqataanerannut sakkussaallutik pingaarutilit. Akissuteqaatit tamanut saqqummiunneqartarnerisigut Naalakkersuisut suliat inuiaqatigiinnilu pissutsit pillugit innuttaasut paasisimasaqarnissaat peqatigitillugu qularnaarneqartarpooq. Taamaattumik Naalakkersuisut akissuteqarnissamut pisussaaffiata killilerneqarnissaanut siunnersuutigineqartukkut § 37 malillugu apeqqutit akissuteqarfigineqarnissaannut pisussaaffiup pisariaqanngitsumik killilerneqannginnissaa pingaartutut isiginiarneqarsimasut ilagaat.

## *2.2. Inatsimmik atuuttumik allannguutissatullu siunnersummik sanilliussineq*

<b>Siunnersuut inatsimmut atuuttumut sanilliullugu</b>	
<i>Oqaasertalerneqarsimanera atuuttoq</i>	<i>Allannguutissatut siunnersuut</i>
	<p style="text-align: center;"><b>§ 1</b></p> <p>Inatsisartut Naalakkersuisullu pillugit          Inatsisartut inatsisaanni nr. 26-mi, 18.          november 2010-meersumi, inatsisartut          inatsisaatigut nr. 12-ikkut, 29. november          2013-imeersukkut aamma Inatsisartut          inatsisaatigut nr. 30-ikkut 9. december 2015-          imeersukkut allanngortinneqartumi, makku          allanngortinneqassapput:</p>
<p style="text-align: center;"><b>§ 12.</b> Inatsisartunut ilaasortaq pisortat          suliassaqarfii pillugit paassisutissanik          pissarsinissaminik kissaateqarpat, tamanna</p>	<p><b>1. § 12 ima oqaasertalerneqassaaq:</b>          ” <b>§ 12.</b> Inatsisartunut ilaasortaq pisortat          suliassaataat pillugu          paassisutissinneqarnissaminik kissaateqarpat,          tamanna Naalakkersuisunut          apeqquteqarnikkut pisinnaavoq.</p>

Naalakkersuisunut apeqquteqarnikkut pisinnaavoq.	<i>Imm. 2. Naalakkersuisut apeqqummut akissuteqarnissaminut pisussaaffeqanngillat:</i> 1) Naalakkersuisut paasissutissanik akissuteqarnissaminut atugassaminnik pissarsisinnaanngippata, 2) malunnartumik piffissaq nukissallu paasissutissanik akissuteqarnissamut atugassanik pissarsiniarnermut atortariaqassappata, imaluunniit 3) paasissutissat kissaatigineqartut nipangiussisussaatitaanermut ilaatinneqarpata.”
	<b>§ 2</b>  Inatsisartut inatsisaat ulloq 1. juli 2020 atuutilissaaq.

### **3. Pisortanut aningaasatigut allaffissornikkullu kingunerisassai**

Inatsisartut Suleriaasianni § 37-ip 1. juli 2020-mi atuutilersussamik allangortinneqarnissaa UKA2019-immi Inatsisartut akuersissutigaat.

Siunnersuutip matuma siunertaraa aalajangersakkap pineqartup aamma Inatsisartut Naalakkersuisullu pillugit Inatsisartut inatsisaanni aalajangersakkap Inatsisartunut ilaasortanit apeqqutinut akissuteqartarnissamut Naalakkersuisut pisussaaffeqarnerannut tunngasup akornanni tamakkiisumik naapertuttoqalernissaata qularnaarneqarnissaa.

Taamaalilluni siunnersuut juulip ulluisa aallaqqaataanniit inatsiseqartitsinikkut pissutsinik atuuttunik allangortitsissanngilaq, taamaattumillu aamma – immikkut isigalugu – pisortanut aningaasatigut allaffissornikkullu kinguneqassanani.

Naalakkersuisut akissuteqarnissamut pisussaaffiata erseqqissarneqarnerata UKA2019-immi akuersissutigineqartup aningaasatigut allaffissornikkullu kingunerisassai eqqarsaatigalugit UKA2019/26-imut nassuaatit innersuussutigineqarput.

### **4. Inuussutissarsiornermut aningaasatigut allaffissornikkullu kingunerisassai**

---

UPA 2020/168

Suliaq nr.: 01.25.01/20UPA-LABU-00168

Siunnersuut inuussutissarsiornermut kinguneqassanngilaq.

## **5. Avatangiisirut, pinngortitamut innuttaasullu peqqissusiannut kingunerisassai**

Siunnersuut avatangiisirut, pinngortitamut innuttaasulluunniit peqqissusiannut kinguneqassanngilaq.

## **6. Innuttaasunut kingunerisassai**

Siunnersuut innuttaasunut aningaasatigut allaffissornikkulluunniit kinguneqassanngilaq.

## **7. Kingunerisassai pingaarutilillit allat**

Siunnersuut pingaarutilinnik allanik kinguneqassanngilaq.

## **8. Oqartussanik suliniaqtigiaiffinnillu il.il. tusarniaaneq**

Siunnersuut piffissami 2020-mi marsip ulluisa aallaqqaataanniit 21-annut Naalakkersuisut Siulittaasuata Naalakkersuisoqarfianut Aningaasaqarnermullu Naalakkersuisoqarfimmut tusarniaatigineqarsimavoq.

Siunnersuut tamanut tusarniaatigineqarsimanngilaq, aallaavittut innuttaasut inatsisitigut inissisimanerannut sunniuteqartussaanngimmat, taamaallaalli Inatsisartut Naalakkersuisullu akornanni suleqatigiinnermut, kiisalu oqartussat taakku sulinerannut tamatumunngalu atugassaritaasunut, tunngammatt.

Aningaasaqarnermut Naalakkersuisoqarfik tusarniaanermut akissuteqarsimavoq. Tulliuttuni tusarniaanermut akissutip imarisai ilanngunneqarput, taakkununngalu oqaaseqaatit uingasunik allallugit ilanngunneqarlutik.

Naalakkersuisoqarfiup maluginiarpa § 12-imut imm. 2-mik nutaamik ilassuteqartoqarnissaanik siunnersuut UKA2019-imi suleriaatsimi § 37-ip allanngortinneqarnerata akuersissutigineqartup assigigaa. Naalakkersuisoqarfik suli isumaqarpoq annertusiineq tamatumani akuersissutigineqartoq § 37 malillugu apeqqutit akissuteqarfigineqarternerannut nukissanik atuinerulernermik kinguneqarumaartoq, soorlu aamma ajoraluartumik apeqqutit nassuaateqarnernut imaluunniit annertunerusumik qualaajaanernut atatillugu akissuteqarfigineqartussatut innersuussutigineqarsinnaanerat ajornarnerulersimasoq.

*Siunnersuutip aningaasatigut allaffissornikkullu kingunerisassaasa nassuaatigineqarnerat erseqqissarneqarsimavoq Inatsisartut Suleriaasiata kingullermik allanngortinneqarneranut nassuaatit naapertorlugit.*

*Apeqquut nassuaateqarnernut imaluunniit annertunerusumik qulaajaanernut atatillugu akissuteqarfigineqarnissaannut innersuussisinnaaneq eqqarsaatigalugu siunnersuut allannguutinik kinguneqassanngilaq.*

*Taamaalilluni siunnersuummi § 12, imm. 2, nr. 2-p oqaasertalerneqarnissaanut siunnersuutigineqartup malitsigissavaa Naalakkersuisut apeqqummut akissuteqarnissamut pisussaaffeqanngimmata “malunnartumik” piffissaq nukissallu paasissutissanik akissuteqarnissamut atugassanik pissarsiniarnermut atortariaqassappata.*

*Inatsisartut Naalakkersuisullu pillugit Inatsisartut inatsisaanni atuuttumi § 12-imut nassuaatini oqaatigineqarpoq Naalakkersuisut apeqqut erseqqinnerusumik qulaajarniarlugu tamanna pisariaqarpat “naleqquttumik ilungersuuteqartariaqartut”.*

*§ 12, imm. 2, nr. 2-p oqaasertalerneqarnissaanut siunnersuutigineqartup kingullermik allanngortitsinerup kingorna suleriaatsimi § 37, imm. 2, nr. 2-p, 1. juli 2020-mi atuutilersussap assigaa. Suleriaatsip allanngortinneqarneranut nassuaatini ilisimatitsissutigineqarpoq taamatut oqaasertaliinikkut ullumikkut suleriaasiusimasup allanngortinneqarnissaa siunertarineqanngitsoq.*

*Taamaalillutik Naalakkersuisut assersuutigalugu § 37 malillugit apeqqummut akissuteqarnissaminnut pisussaaffeqassanngillat, akissuteqarnissamut annertuumik paasissutissanik katersinissaq sukumiisumillu nalilersuilluni misissuinerit pisariaqassappata.*

*§ 37, imm. 2, nr. 1 innersuussutigalugu § 37 malillugu apeqqutip akissuteqarfigineqarnissaa Naalakkersuisut itigartippassuk siunnersuuteqartoq tamatuma kingorna pisariaqarpat aalajangiiffigisassatut siunnersuummik saqqummiussaqarsinnaavoq paasissutissat kissaatigineqartut pissarsiarineqarnissaannik Naalakkersuisunik peqqusisumik. Taamaalilluni Inatsisartut aalajangigassarilissavaat suliaq imatut pingaaruteqartiginersoq allaffissornikkut nukissat pisariaqartut suliamut immikkoortinneqartariaqassallutik.*

Naalakkersuisoqarfiup eqqaasitsissutigaa Inatsisartut UPA2019-imi oqaluuserisassani immikkoortutut 107-it una akuersissutigimmassuk: “Aningaasartuutit suulluunniit Inatsisartunit taakkulu allattoqarfianit aningaasartuutigineqartut kikkunnit tamanit takuneqarsinnaanngornissaat pillugu taamatullu kikkut tamarmik paasiniaasinnaanngornissaat pillugu Inatsisartut Suleriaasiata allanngortinnissaanut Inatsisartut Siulittaasoqarfiat siunnersuuteqaqqullugu peqquneqarnissaanik Inatsisartut aalajangiiffigisassaattut siunnersuut”. Inatsisinut ataatsimiitaliap immikkoortumut isumaliutissiissutaani

oqaatigineqarpoq malittarisassat taamaattut equnneqarnissaat kissaatigineqarpat tamatuma Inatsisartut Suleriaasianni aalajangersarneqarani inatsimmi aalajangersarneqarnissaa Ombudsmandip kaammattuutigigaa.

Naalakkersuisoqarfíup allannguutit pineqartut siunnersuummut matumunnga ilanngunneqaqquai.

*Ilumoorpoq Ombudsmandip (UPA2019/107-imut Inatsisiniut ataatsimiititaliap isumaliutissiissutaani ilisimatitsissutigineqartutut) kaammattuutigimmagu Ombudsmandeqarfíup aningaasartuutinut upernarsaataanik paasitinneqarsinnaatitaaneq pillugu malittarisassiorqassappat taakku inatsisitigut aalajangersarneqartariaqartut.*

*UPA 2019/107-ip oqaluuserineqarnerani taamaalluni Ombudsmandip Inatsisartunut akissummini ilisimatitsissutigaa Ombudsmandeqarfík qaqtiguinnaq (immaqa ukioq ataaseq allortarlugu) allagaatinik paasitinneqarnissamik qinnuteqaatinik tigusaqartarmat Ombudsmandeqarfíullu tamatigut qinnuteqaatit taamaattut akuerisarmagit, qinnuteqaat pisortat ingerlatsinerat pillugu paasitinneqarsinnaatitaaneq pillugu inatsimmi allagaatinik paasitinneqarnissamut akerliunngippat. Aningaasartuutinut upernarsaatinik paasitinneqarnissamik qinnuteqaatinik Ombudsmandi tigusaqanngisaannarsimavoq, kisiannili taamatut aningaasartuutinut upernarsaatinik paasitinneqarnissamik qinnuteqaammik tigusaqartoqassappat, taakku aamma nalinginnaasumik naajoqqutassat malillugit suliarineqarumaarmata. Tamanna tunngavigalugu Ombudsmandip atorfeqarfíimi upernarsaatinik paasitinneqarnissamik qinnuteqarnerup naammassineqartarnissaanik Ombudsmandimik peqquisisunik aalajangersaasoqarnissaanik pisariaqartitsisoqarnera takujuminaatsissimavaa. Inatsisartulli tamanna allatut nalilissagaluarpassuk Ombudsmandi tamatumunnga oqaaseqaatissaqannginnerarpoq.*

*Taamaattorli Ombudsmandip kaammattuutigaa aalajangersakkat atorfeqarfíup aningaasartuutinut upernarsaataanik paasitinneqarsinnaanissamik Ombudsmandimik pisussaaffiliisut taamaattoqassappat Inatsisartut Suleriaasianni aalajangersarneqaratik inatsisikkut aalajangersarneqartariaqartut. Inatsisartut Ombudsmandiat pillugu Inatsisartut inatsisaanni § 6, imm. 1 naapertorlugu Ombudsmandi suliamnik ingerlatsinermini Inatsisartunut attuumassuteqannginnera taamatut kaammattuuteqarnermut tunngaviuvoq.*

*UPA 2019/107-ip Inatsisartunit akuersissutigineqarneratigut Inatsisartut Siulittaasoqarfíat qinnuigineqarpoq Inatsisartut Suleriaasiata allanngortinneqarnissaanik siunnersuuteqaqqullugit, “atingaasartuutit suulluunniit Inatsisartunit taakkulu allattoqarfianit aningaasartuutigineqartut kikkunnit tamanit takuneqarsinnaanngornissaat*

*pillugu taamatullu kikkut tamarmik paasiniaasinnaanngornissaat pillugu".  
Aalajangiiffisassatut siunnersuutip oqaasertalerneqarsimanaeratut Inatsisartut ataanni  
suliffeqarfiit (Ombudsmandi) ilaatinneqanngillat.*

*Inatsisartut aalajangererat taamaalilluni Siulittaasoqarfimmik pisussaaffiliinngilaq  
aninaasartuutit suugaluartulluunniit Inatsisartut Ombudsmandiannit  
aninaasartuutigineqartut paasitinneqarsinnaatitaanermut ilaatinneqarnissaat  
aalajangersarlugu siunnersuuteqarnissamut – Siulittaasoqarfilli taamaaliornissaminut  
soorunami mattunneqanngilaq.*

*Siunnersuummik taamaattumik saqqummiussisoqassanersoq ullumikkut Siulittaasoqarfiup  
inaarutaasumik suli isummerfiginngilaa.*

*Siulittaasoqarfiup maluginiarpaa Inatsisartut Ombudsmandiat pillugu Inatsisartut  
inatsisaanni § 6, imm. 2 tunngavissiisoq "Inatsisartut Ombudsmandip sulinera pillugu  
aalajangersakkanik nalinginnaasunik aalajangersaasinnaanerannut". Siulittaasoqarfiulli  
Ombudsmandip kaammattuutaa taamatuttaaq maluginiarpaa.*

*Tamanna tunngavigalugu periarfissaq isumaliutigineqarsinnaasoq taamaalilluni tassaavoq  
Inatsisartut Ombudsmandiat pillugu Inatsisartut inatsisaanni Ombudsmandeqarfiup  
aninaasartuutaanut uppermarsaatnik paasitinneqarsinnaatitaaneq pillugu  
aalajangersakkamik ilangussinissaq.*

*Inatsisartut allaffeqarfiatalu aninaasartuutaanik paasitinneqarsinnaatitaaneq  
eqqarsaatigalugu Inatsisartut aalajangererata akuersissutigineqartup malitsigaa tamanna  
pillugu aalajangersakkat Inatsisartut Suleriaasianni aalajangersarneqassammata.  
Suleriaatsip allangortinneqarnissaanik siunnersuut suliarineqaleruttorpoq. Siunnersuut  
Inatsisartut aalajangererata timitalerneqarnissaanut aalajangersakkanik imaqrpoq.*

### **Siunnersuummi aalajangersakkanut ataasiakkaanut nassuaatit**

#### *§ 1-imut*

Nr. 1-imut

Inatsisartut Naalakkersuisullu pillugit Inatsisartut inatsisaat atuuttoq § 12-imik  
aalajangersagartaqarpoq, taanna malillugu Inatsisartunut ilaasortaq pisortat suliassaataat  
pillugu paasissutissanik pissarsiniarsinnaalluni Naalakkersuisunut apeqquteqarnikkut.

Imm.1-imut

Imm. 1 imarisamigut allanngortinnagu ingerlateqqinnejarpooq.

Inatsisartut Suleriaasiat aalajangersakkamik assinganik oqaasertalimmik imaqarpoq (§ 37,  
imm. 1, oqaaseqatigiit siulliit).

§ 37 malillugu apeqqutit “pisortat suliassaataannut” tunnganissaat suli piumasaqataavoq.

”Pisortat suliassaataannik” oqarneq tamatigoortumik paasineqassaaq, tassanilu pineqarlutik  
pissutsit tamarmik pisortanit malittarisassiunneqarsinnaasut  
aalajangiivigneqarsinnaasulluunniit imaluunniit allatigut ataatsimut inuiaqatigiinni  
soqutigisanik attuisut, tassunga ilanngullugit aamma assersuutigalugit pissutsit aktiaateqarluni  
ingerlatseqatigiiffinnut namminersorlutik oqartussanit pigineqartut ingerlatsinerinut  
tunngasut.

§ 37 malillugu apeqqutip pisortat suliassaataannut tunnganissaanik piumasaqaatip  
Naalakkersuisunut ilaasortap nammineq inuttut atugai pillugit apeqquteqarsinnaaneq  
mattuppaat.

Suliassamut Naalakkersuisut aalajangiivigisimasaannut partiit naalakkersuisuutaqartut  
ataasiakkaat qanoq isummersimanerat pillugu § 37 malillugu apeqqutip  
akissuteqarfigineqarnissaa Naalakkersuisut ulluinnarni ingerlatsinermanni itigartinnikuuaat.  
Suleriaatsip tamatuma allanngortinneqarnissaa aalajangersakkami siunertarineqanngilaq.  
Taamaattoq Naalakkersuisut pisussaaffeqartariaqarput naalakkersuisunut ilaasortat  
akisussaassuseqarnerat pillugu Inatsisartut inatsisaanni § 4 tunngavigalugu inatsisitigut  
naalakkersuisunut ilaasortatut akisussaatitsisoqarsinnaanersoq paasiniarlugu § 37 malillugu  
apeqqutit akissuteqarfigissallugit.

”Paasissutissinneqarnissamik” oqarnermi pissusiviusut inatsisitigullu pissutsit atuuttut pillugit  
paasissutissat kiisalu naalakkersuinikkut naliliinerit siunertallu pillugit paasissutissat  
pineqarput.

Apeqqutit ulluinnarni nalinginnaasumik ”Naalakkersuisunut” sammisinneqartarput,  
Naalakkersuisunut ilaasortanut ataasiakkaanut sammisinneqaratik. § 37 malillugu apeqqut

qaqtigoortumik Naalakkersuisunut ilaasortamut aalajangersimasumut  
sammisinneqassagaluarpat, taava apeqqut pineqartoq aallaavittut  
naatsorsuutigineqartariaqarpoq Naalakkersuisunut ilaasortamit pineqartumit  
akissuteqarfingineqassasoq. § 37 malillugu apeqqutip Naalakkersuisunut ilaasortamut  
aalajangersimasumut sammisinneqarneratali Naalakkersuisut pituttunngilai apeqqutip  
ilaasortamit pineqartumit pinngitsoorani akissuteqarfingineqarnissaanut. Tamanna Inatsisartut  
Naalakkersuisullu pillugit Inatsisartut inatsisaanni § 23, imm. 1-ip malitsigaa, taanna  
malillugu Naalakkersuisut Siulittaasuata Naalakkersuisut akornanni suliassaqarfifit  
aguuataartarmagit.

Imm. 2-mut

Naalakkersuisunut ilaasortat akisussaassuseqarnerat pillugu Inatsisartut inatsisaanni § 6, imm.  
2 naapertorlugu Naalakkersuisut atorfimminnut atatillugu pisussaaffeqarput eqqortunik  
takutitsisunik tamakkiisunillu akissuteqartarnissaminut. Tassani aalajangersarneqarpoq  
Naalakkersuisunut ilaasortaq eqqunngitsunik paasinerluutaasinnaasunilluunniit Inatsisartunut  
paasissutisseeqqusaanngitsoq. Naalakkersuisunut ilaasortaq taamatuttaaq Inatsisartut  
oqaluuserisassamik oqaluuserinninneranni paasissutissanik oqaluuserisap inatsisartunit  
aalajangiiffingineqarnissaanut annertuumik pingaaruteqartunik nipangiusseqqusaanngilaq.

Naalakkersuisut tamakkiisumik akissuteqarnissamut pisussaaffeqarnerata akissuteqaatip  
sukumiisunissaa malitsigisariaqanngilaa. Paasissutissat ujartorneqartut kikkunniit tamanit  
pissarsiarineqarsinnaareerpata, assersuutigalugu nittartakkami siusinnerusukkulluunniit  
nalunaarusiaasimsumi, paasissutissat sumi nassaarineqarsinnaanerannut innersuussinissaq  
naammassaaq. Innersuussinerli naammattumik erseqqissuseqartariaqarpoq apeqquteqartup  
paasissutissat kissaatigineqartut annerusumik ajornartorsiutitaqanngitsumik  
nassaarisinnaaniassammagit.

Imm. 2-mi Naalakkersuisut akissuteqarnissaminut pisussaaffiat killilerneqarpoq, § 37  
malillugu apeqqummut akissuteqarnissamut qaqugukkut Naalakkersuisut  
pisussaaffeqannginnersut aalajangersakkami nalunaarneqarmata.

Tamatumani siullertut pineqarpoq Naalakkersuisut paasissutissanik akissuteqarnissaminut  
atugassaminnik pissarsisinnaanngikkaangata (imm. 2, nr. 1).

Aappaattut pineqarpoq “malunnartumik” piffissaq nukissallu paasissutissanik  
akissuteqarnissamut atugassanik pissarsiniarnermut atortariaqassappata (imm. 2, nr. 2).

Inatsisartut Naalakkersuisullu pillugit Inatsisartut inatsisaanni § 12-imut nassuaatini

atuarneqarsinnaavoq Naalakkersuisut apeqqut erseqqinnerusumik qulaajarniarlugu tamanna pisariaqarpat “naleqquatumik ilungersuuteqartariaqartut”. Imm. 2, nr. 2-p oqaasertalerneqarnissaanut siunnersuutigineqartup ersersippaa tamanna qanoq paasineqassanersoq. Taamatulli oqaasertaliinikkut ullumikkut suleriaasiusimasup allanngortinnejarnissaai siunertarineqanngilaq.

Taamaalillutik Naalakkersuisut assersuutigalugu § 37 malillugit apeqqummut akissuteqarnissaminntupisussaaffeqassanngillat, akissuteqarnissamut annertuumik paasissutissanik katersinissaq sukumiisumillu nalilersuilluni misissuinerit pisariaqassappata.

§ 37, imm. 2, nr. 1 innersuussutigalugu § 37 malillugu apeqqutip akissuteqarfingineqarnissaa Naalakkersuisut itigartippassuk siunnersuuteqartoq tamatuma kingorna pisariaqarpat aalajangiiffigisassatut siunnersummik saqqummiussaqarsinnaavoq paasissutissat kissaatigineqartut pissarsiarineqarnissaannik Naalakkersuisunik peqqusisumik. Taamaalilluni Inatsisartut aalajangigassarilissavaat suliaq imatut pingaaruteqartiginersoq allaffissornikkut nukissat pisariaqartut suliamut immikkoortinnejartariaqassallutik.

Kiisalu pingajuattut paasissutissat kissaatigineqartut nipangiuussisussaatitaanermut ilaatinnejarpata.

Pisortat ingerlatsineranni suliassat suliarineqartarerat pillugu Inatsisartut inatsisaanni § 27, imm. 1 naapertorlugu paasissutissaq inatsisitigut imaluunniit aalajangersakkut atortuusukkut allakkut tassaaneragaappat allanut oqaatigeqqunngisaq, imaluunniit aamma pisariaqarpat isertuutissallugu pisortat inuinnaalluunniit soqtigisaat pingaaruteqartut pissutigalugit.

Ilaatigut soqtigisat uku Inatsisartut inatsisaanni immikkut erseqqissarnejarpaut:

- Naalagaaffiup isumannaatsuunissaa illersorneqarnissaaluunniit.
- Naalagaaffiup nunani allani naalakkersuinikkut imaluunniit aningaasarsiornikkut soqtigisai, tamakkununnga ilanngullugit naalagaaffinnut allanut pissaanilinnut imaluunniit naalagaaffiit assigiinngitsut soqtigisaannut tunngasut.
- Akileraartarnermut akitsuuteqartitsisarnermullu inatsisit naapertorlugit pisortatigut misissuineq, killilersuineq imaluunniit pilersaarusiortarneq imaluunniit iliuserissamaakkut eqqarsaatigineqartut.
- Pisortat aningaasanut tunngasutigut soqtigisaat, tamakkununnga ilanngullugu pisortat niuerermik ingerlatsinerat.
- Inuit ataasiakkaat imaluunniit ingerlatsiviit namminersortut imaluunniit peqatigiiffit imminnut tunngasut, tamakkununnga ilanngullugit aningaasarsiornermut tunngasut,

pillugit paassisutissanik illersuumallutik soqtigisaat.

- Inuit ataasiakkaat imaluunniit ingerlatsiviit imaluunniit peqatigiiffit teknikkikkut atortorisat imaluunniit periaatsit pillugit imaluunniit ingerlatsinermut imaluunniit niuernermut tunngasut pillugit paassisutissanik illersuumallutik aningaasatigut soqtigisaat.

Naalakkersuisut § 37 malillugu apeqqutit akissuteqarfigineqarnerini paassisutissat nipangiussisimatisisussaatitaanermut ilaatinneqarnerat pissutigalugu nipangiutiinnarsinnaanngilaat, taarsiulluguli nalunaarutigisinnallugu paassisutissanik pigisaqartoqartoq pissutsit sukumiinerusumik taaneqartut pissutigalugit ingerlateqqinnejarsinnaanngitsunik.

§ 37 malillugu apeqqutit akissuteqarfigineqarnissaannut Naalakkersuisut pisussaaffiat naatsorsuutigineqartariaqarpoq qinersinissamik nalunaarutiginnitoqarnerata kingorna atorunnaassasoq, § 37 malillugu apeqqutit qinersinissaq sioqqullugu saqqummiunneqarsimagaluarpatluunniit. Tamanna Inatsisartut Naalakkersuisullu pillugit Inatsisartut inatsisaanni § 29 naapertorlugu qinersinissamik nalunaaruteqarnerup kingorna Naalakkersuisut Naalakkersuisuugallartutuinnaq, taamalu “atorfimmi suliassat ingerlaannarnissaannut pisariaqartunik taamaallaat suliaqarsinnaasutut”, atuutilernerata malitsigaa.

§ 37 malillugu apeqqutit akissuteqarfigineqarsimanngitsut qinersisoqarnerani atorunnaartarput. § 37 malillugu apeqqutit taamaattut taamaalilluni qinersinerup kingorna Naalakkersuisunit nutaanit akissuteqarfigineqartussaangillat nutaamillu saqqummiunneqartariaqarlutik apeqquteqartoq qinigaaqqissimappat apeqqutillu akissuteqarfigineqarnissaa suli kissaatigalugu.

## § 2-mut

Aalajangersakkami siunnersuutip atuutilerfissaa taaneqarpoq. Inatsimmik allanngortitsinerup ulloq 1. juli 2020 atuutilernissaa siunnersuutigineqarpoq.

Inatsisartut Suleriaani atuuttumi § 37-imi allanngortitsinerit, siunnersuummi matumani imm. 5-imut attuumassuteqartut, atuutilernissaat naapertorlugu piffissaq toqqarneqarsimavoq. Inatsisartut Suleriaasiata allanngortinneqarnissaanik siunnersuummi (UKA 2019/26) akuersissutigineqartumi § 2, imm. 2-mi atuutilersinissamut aalajangersagaq innersuussutigineqarpoq.